

Господьын Тынеш пурымыж лүмеш пайрем

Ачан, Эргын, Святой Шүлышын лүмеш.

Таче Юмо Кончымо кугу пайрем. Ме Утарышын Иордан вүдеш Тынеш пурымыжым да Святой Троицын кончымыжым адак шарналтена, сандене пайремжат маналтеш. Тудым тыге лүмдаш эше вес амал уло. Вифлиемьште шочшо Иисус Христос гоч Юмо Шкеж нерген курымла годсек шылтыме тайным почын. Тидын нерген апостол Павел сайын каласен да Юмын Эргын капан лиймыжым умылтарен. «Христосын айдеме капыштыже Юмын уло тичмашлыкше ила», – манын тудо (Кол.2,9).

Айдемылан умылен керташ лийдыме Юмо – тиде уло сандалыкын Пүрышыжө. Шүдыран каваш ончалын, тўнян кумдалыкшым ужын, öрат. Кава але мланде, шудо але айдеме – чыла вере ме Юмын öрыктарыше да мучашдыме уш-акылжым ужына.

Юмо нерген палаш ең-влак эреак шоненыт да тўня ден айдемым Ыштыше Юмым муаш тыршеныт. Тўнян историйжым ме Юмым кычалме историй манын кертына. Сандалыкым ыштыше Юмым пагалымашым ончыкташ шонен, ең-влак шöртнö да ший гыч идол-влакым акрет годымак ыштылаш тўналыныт. Юмын чот куатле да чапле улмыжым нуно тыге ончыкташ тыршеныт гынат, чылажат арам, тидын дене сулыкыш веле пуреныт. Айдеме тукумын историйыштыже Юмо икмыняр гана ойыртемалтше тўс дене толын. Тудо Адам дене мутланен да икымше ең-влак деке лишыл лийын. Айдемым да мо пүрымыжым Тудо Шкенжын польшыж деч посна коден огыл. Авраам деке Юмо кум корныен семын толмымат ме палена. Иаков дене Юмо кучедалын да тудлан Шке куатшым ончыктен, а йўлен пытыдыме вондeryште Моисейлан кончен. Акрет годым Юмо ең-влаклан шуко гана кончен, сандене Юмо улмо нерген айдеме тидын гоч умылен. Юмо нерген ең-влак кертмышт наре палышт манын, Юмын уло тичмашлыкшым Тудо капым налше Шке Эргыже Иисус Христос гоч ончыктен.

Юмым огына пале манын, ме ынде каласен она керт. Юмын мучашдыме куатше нерген мемнан шинчымашна пеш шагал гынат, ылышыште мом-гынат

эн күлешанжым шукташ Юмо садак полша. Юмын Эрге тўняшке толын да мыланна ойлен, сандене ме Тудын айдеме нерген мом шонымыжым палена. Юмын эрыкше Тудын чыла күштумашыже ден законжо гоч почылтын. Чылажат порылыклан пўралтмым ме палена.

Юмын Эргын капан лиймыже гоч мыланна умылаш лийдыме, но ең-влакын шинча ончылнышт шукталтше өрмаш почылтын. Капан лиймыж гоч ме Юмын куатшым, Тудын энергийжым палена да тидым Юмын благодатьше але порылыкшо манына. Ең-влак Юмым ушышт, шўмышт да кумылышт дене палышт, эше Юмын вийже деке да Юмо дене ушнен кертышт манын, Юмо Шке Эргыжым мландымбаке колтен, капаным ыштен. Тидлан Тудын поро кумылжо лийын.

Шке Эргыж гоч уло айдеме тукумлан пуымо тиде Юмын куатым, Юмын порылыкым ме таче поснак моктена. Юмын порылыкшо кугу пөлек семын мыланна Утарыше Христосын подвигше, колымыжо да Ылыж кыселмыже, сулыкеш варналт орланыше айдеме тукумым чаманымыже гоч почылтын.

Тиде вий мемнан чоннан кеч-могай сулыкан таранымыжым, осал шонымыжым, кеч-могай лушкыдылыкнам да чернам сенген кертеш.

Молан ме таче ойыртемынак Юмын тиде пөлекшым моктена? Юмын Черкым негызлыме годсо йўла почеш тиде кечын ме Господьым, Святой Троицым ўжмө дене вўдым святитлена. Вўд тидын дене вўдак кодеш, но тыгодым Юмын куатше да энергийже дене темеш. Сандене ме чот ўшанена: Юмо Шке куатше да порылыкшо дене мемнан пелен, Шкенжын чыла пўрымыжө пелен, лийын кертеш.

Ожно Христосын Шочмыжо кечын, Кугече кечын, тыгак Юмо Кончымо кечын оглашенный-влакым тынеш пуртеныт. Тынеш пураш ямдылалтше-шамычым тунам епископ але пресвитер туныктен. Кугу Таинствым налаш ең-влак шкештат кужун да чот ямдылалтыныт. Черкыште нунын лўмыштым калык ончылно кугу йўкын каласеныт, рушла манаш гын, «оглашали».

Христосын Шочмыжо да Кугече пайремысе, тыгак Юмо Кончымо кечысе службышто тынеш пурымо нерген посна муру уло: «Те чылан, Христос дене ушнаш манын тынеш пурышо-влак, Христос дене вўдылалтында».

Тынеш пурымо годымат тиде гимнымак мурат.

Нине мут öрыктарыше улыт: «Те чылан, Христос дене ушнаш манын тынеш пурышо-влак, Христос дене вудылалтында» (Гал.3:27). Ик семынже тиде Юмо деч сөрвален йодмаш. Тынеш пурышо кажне енлан Христос дене вудылалташ вий пуалтше, Юмын эрыкшым, мемнан нерген мом шонымыжым палаш Шке энергийжым, куатшым, порылыкшым пубжо манын йодына. Тыштак ұшан уло: «Христос дене ушнаш манын тынеш пурышо-влак Христос дене вудылалтыныт». Тынеш пурышо кажне енлан нине мутшо ұжмаш семынат, шылтален каласыме семынат йонгат. Кажныже шкеж нерген каласен кертеш: «Мыят тынеш пурышо улам – але йоча годымак, але кушкын шумеке, – а Христосшо дене вудылалтынам мо? Тудын шонымашыжым, эрыкшым да шижмашыжым шке көргышкем пуртенам мо? Тудын порылыкшым пурташ мый шке шүмем почам мо?»

Тачысе кугу кече мыланнат шкенан Тынеш пурымо Таинством налмынам ушештара да тудым тыглай йўла семын огыл, а утаралтмашнан кугу тайныже семын аклаш да Христос дене вудылалташ ўжеш. Тиде вудылалтмаш иканаште ок ышталт. Тынеш пурымо вудыш пурен лектын, вигак Христос дене от вудылалт. Христос дене, утаралтмашын вургемже дене вудылалтмаш илышна мучко шуйна. Христос дене вудылалтмаш годым тўрлө алгаштарымаш ден ондалымашым чыташ, кучедалаш, вийым пышташ кўлеш. Мо айдемым Юмо деч коранда, чыла сенген лекман. «Христос дене ушнаш манын, мый тынеш пуренам да Христос дене вудылалтам», – тиде кажне енын илышыштыже эн тўн лийшаш. Нине öрыктарыше мутым ме кажныже пытартыш шўлышна марте ойлышаш улына.

Тунам мемнан ўшанымашна илыш виан лиеш. Тунам ен-влак поро пашам кўштымö почеш огыл, а шўмышт йодмо почеш ышташ тўнгалыт. Кўштымö почеш ыштыме пашан суапше йомеш, вет тудо порысыш, долгыш савырна. Господын тунуктымыжым шке кумылын, шўм йодмо почеш ыштен, ме тичмаш христиан илыш дене илаш тўнгалына.

Утарышылан ўшанле лияш манын, Юмо Кончымо лўмеш пайремат мемнан вийнам уэмдыже. Тынеш пурымына дене ме Христос дене ушненна, Тудым

шке шүмышкына пуртенна да пытаргыш кечына марте Тудлан ўшанле
лийшаш улына. Аминь.

*Елохово оласе Юмо Кончымо лүмеш Кафедраальный собор, 2010 ий, 19
январь.*